

## امبڑی

کہن لگی سو ہنیا وے پتر بشیریا  
میرا اک کم وی تو کریں اج ہیریا  
روٹی میرے اکرمے دی لئی جامد سے  
اج فیئر گیا ای میرے نال رُس کے  
گھيو وچ گھن کے پراؤٹھے اوس پکے نیں  
رتجھ نال رنھیاں سوانڈیاں داخلوا  
پونے وچ بنھ کے تے میرے ہتھ دتی سو  
ایہو گل آکھدی سی مڑمڑ کے نشی جی  
چھیتی نال جائیں بیبا دیریاں نہ لائیں بیبا  
اوہدیاں تے سوسدیاں ہون گیاں آندراں  
بھکھا بھانا اج اوہ سکول لے رُ گیا اے  
روٹی اوہنے دتی اے میں نجھا لگا آیا جے  
اکرمے نے نہیر جیا نہیر اج پایا جے

ماسٹر: اج بڑی دیر نال آیا ایں بشیریا  
ایہہ تیر اپنڈ اے تے نال ای سکول اے  
جائیں گا تو میرے کولوں ہڈیاں بھنا کے  
آیا ایں تو اج دونوں ٹلیاں گھسا کے  
بشیریا: نشی جی میری اک گل پہلاں سن لو  
اکرمے نے نہیر جیہا نہیر اج پایا جے  
مائی نوں ایہہ ماردا تے بڑا ڈاڈا ماردا اے  
اج ایس بھیر کے نے حد پئی مکائی اے  
اونہوں مار مار کے مدھانی بھن سٹی سو  
بندے کٹھے ہوئے نے تے اوتھوں بھج گیا اے  
چک کے کتاباں تے سکول ول نسیا اے  
مائی ایہدی نشی جی گھر ساڈے آئی سی  
مونہہ اُتے نیل سن سجا ہویا ہتھ سی  
اکھاں وچ اتھرتے بلاں وچ رت سی